

# DALBANESE R BLIGG

(schnällblaicht)

No 2 Jubiläumsexemplar

Sonntig, 10. Merz 1968



Im Jahr 1938 het emol e-n-isserscht behärzti jungi Dame gfunde, si miess ebbis under-näh. So isch si gange und het als blaubestrumpfti Pionierin e-n-Art e-n-Undergrundbewegig, wie d'Résistance in Frankrych, grindet und sich mit Glychgsinnte proteschtierend gege s'Männerwäse-n-erhobe. Jo, me zidiert jo allewyl:

Der Apfel fällt nicht weit von der Stammclique.


E sanfte Rosaschimmer hett sich derno in dr fasnächtliche-n-Atmosphäre verbreitet - die ABERHEYTE - voller Tatedrang und Phantasie, schepferisch immer Grossartig kreierend bis sich dr afänglich sanfti Rosaschimmer zu gluetrottem Fasnachtstämperament entwiglet het.

Und 1968? Heisst; Bligg zrug in Wehmuet?

Nadirlig ka me's nid verglyche mit friehner, die guete-n-alte Zyte sinn verby. Die alte Goschdym, Ladärne, Zeedel und Sujets - aimoolig, und wo mer erscht no dr Bolle gha hänn! Jä, und d'Stärnegass, Herrschaft - und ächti Tambourmajore. Sogar emol e Drummler und e Requisit. Leider sinn beidi versumpft.

Mer sinn Buebezygli, keineswägs "weise" Gaischter, "scandallasneyromantische Najade", schnapsbewält, musebeschmutzt, verspielt, zircherhelgesammlend und no vyl mehr gsy. (Iber d'Balletratte schwygt me besser).

Wider hänn die Abverheyte uff Roseglanz z'ruggriffe und symbolisierti Blaustrimpf in Vortrab gschiggt. Isch das e Zaiche vo "letzte Rose Du entschwandest", oder bricht e neyi Rosedämmerig a?



Unverantwortliche Reaktion; Dr. m(i)ed Vreno von Moos & Heliza Doux-Little  
Herausgeber: die glyche  
Druck: e Druggete

DIE ABVERHEYTE

Die Abverheyte hänn d'Tendänz  
Viel z'rede-n-an aim Band,  
Vom Reeslikehl bis Brandebänz  
Isch alles intressant.

Sy hänn, im Gspräch vo Frau ze Frau  
E Huusordnig kreiirt,  
Und hänn drno, wie ka-m-en-au,  
Si durewägs studiert!


Uff jede Fall hersch Nacht und Tag,  
Und do gitt's kai Pardon,  
Bi gwisser Lyt jetz Schlag uff Schlag  
Fascht nur no s'Delefon.

Me kha nit kho in d'Pfyffeschund,  
Me fyhlt sich mied und schlapp,  
Me hett deham e grangge Hund  
- Und s'pfyffe goht bachab.

Doch wenn drno, by Tropehitz  
Am Zischtig ain Piccolo heert,  
Und berächtigt findet, das sig e Witz  
Denn isch er gaischtig gschteert!

Die Abverheyte - me hätts nyt dänggt,  
Die iebe wie verruggd  
Und dass me dr Gligge kai Rappe schänggt  
Wird sich delefonisch druggt.

Ob's jetz besser goht, das waiss i nitt,  
Das kunnt uff e Noochwuggs a,  
Wenn dr Pfuus so stark isch wie dr Spritt,  
Isch d'Clique nit besser dra.




s'Horoskop

(isch immer denn gyltig, wenn's aim passt ...)

- Widder Achtung vor Gwidder, erwarte Sy jo z'viel in de näggschte 14 Däg, sunscht blybe die konsegwänte Enttischige-n-us, Private Situatione unstabyl.
- Stier D'Venus isch heggscht ungynschtig gschtimmt. Am 8. im Bett blybe, das erspaart vyl Arbet. E neyi Bekanntschaft wär fellig.
- Zwillinge Erhalte Si jo d'Atmosphäre "gegenseitigen Wohlwollens" nitt! Passe Si uff im Rosegrau by Nacht und ässe Si vyl Riebli.
- Krebs Am 13. meegligscht vyl schimpfe-n- und kritisiere, s'isch wieder emol an dr Zyt. Sige-Si nitt so ehrgyzig, dasch egglig. In Sache Liebi isch so wie so nyt z'welle.
- Löwe Wische Si jo nitt vor dr eigene Diire, sunscht hett dr Noochber noochhär z'vil Drägg vor sinere. Wenn Si unvernynftig läbe, wärde Si am 25. hyroote. Villicht au nitt!
- Jungfrau Um Ihri Jungfräulichkeit mien Si nitt bange - die blybt unter Saturn Yfluss eewig. Zygle Si Ihri Emotione.
- Waage Wenn Si hänn, wände Si Ihre Verstand aa, wenn Ihne ebbis Komischs begegne wird. Uffgschmisse sinn Si sowieso.
- Skorpion Wände Si sich an d'Zwilling, das wirggd aaregend! Ziehn Si Ihre Schtachel y, Si hänn jo Dorne!
- Schütze Z'fescht gschosse isch nitt guet! Sinn Si brav und "doux-doux"! Aber nitt z'vyl, sunscht kennt's Folge ha!
- Wassermann Si wärde vo dr Venus gynschtig beyflusst, dr Mars kha aber e Maageverschtimmig bedytte. Triibe Si kai Schport, es isch wäge dr Linie!
- Steinbock Hänn au Si e Bock gschosse, das macht jo nyt. Es wird jo sicher nitt dr letschi sy! Schtelle Si s'Gwehr uff d'Syte, s'isch besser.
- Fisch Si sinn vyl gschwumme, aber nitt im Wasser. Villicht leere Si no fliege, sogar ohni Flygel!



LA FEMME EN CLIQUE




Drissig Jahr lang unbemannt  
 drissig Jahr nur Piccolo  
 Drissig Jahr, es isch kai Schand  
 Hämmer numme Fraue gno!


Diggi, dynni, rundi, glaini,  
 E Formepracht, es isch e Schlägg  
 Wyblich und ehnder kaini  
 Edels, nobels und au Drägg!

Dr Huusfrau-Gaischt, dä dominiert  
 D'Wisseschaft isch reduziert  
 D'Kunscht isch hoch emanzipiert  
 Me seht - mir sinn ganz toll fundiert.

Drissig Jahr dur d'Gässli pfyffe  
 Und kai Drummle-n-isch derby,  
 Drfir het jede grad begriffe:  
 Die Abverheyte mien das sy!



etc. (s'ander isch mer 2/ komp- liziert)



SAG mir, wo die Baslerinnen sind, wo sind sie geblieben?

Offener Leserbrief

"I stand druff" Nämlich uff d'Zytig. Und das wänn mir jetot do ganz lutt und dytlig saage, die isch denn guet! Immer derby, e bsunders nochs Niveau hett das Blettli, analog dr Pfyfekunscht vo däre Bandi!



Die Seite der Frau

Küchentip für das nächste selbstverfertigte Fasnachtsbummel-Essen

Fisch einmal anders (auf eigene Gefahr)

Man nehme: en uffgschtellte Gross(g)rotwalfisch . . . . .

Man fische obigen Fisch, sofern das nicht schon geschehen ist und mache ihn zuerst mal mundtot. Nach geglückter Tat werfe man ihn in Brandheisses Wasser und füge tropfenweise Schwabenmilch dazu. Kochzeit: bis der Fisch weich und gefügig ist.

Mit einem Simmentalmilchkuhanggebölleli, Rosmaryn, e bitz antigge Vogel-Drägg à la Penelope und wackeri Nägeli à la Zürichoise bereitet man inzwischen ein Sauce, die man wegen der Unverträglichkeit separat dazu reicht. Dieses delikate (brrrrr) Fischgericht wird auf Moos serviert, welches vorher gründlich nach Schwabekäfern durchsucht wurde. Zahnstocher werden ebenfalls dazu serviert, aber keine Roth-en!

Den nachher auftretenden grossen Brand löscht man am besten mit Rosé d'Albanegg!

Mitteilungen und Inserate

Die Abwanderung Vortrag von Prof. Dr. Habersack

Eine wehmütige Betrachtung über die abverheyte Neigung, baslerisch fasnächtliche Umtriebe mit glühender griechischer Sonne oder englischem Nebel zu vertauschen.

Eintritt frei  
Nastücher mitbringen.

GESUCHT ein Sprachrohr, mit dem man sich eventuell bei einer Abverheyte-Zusammenkunft verständlich machen kann.

Kennwort: E heisere

H e r z e n s e c h o

Döschwo Ty, Quick Fresh,  
liebesfröidig, sucht  
Eichhörnchen.  
Diskretion nicht Ehrensache  
(Tiger 173)

Hilfe - ich spüre den Frühling!  
Spürst Du ihn auch, rufe mich an:  
Tel. BS 007 "Just call me James!"

Ex-Verlobte sucht neuen Anschluss,  
da letztes Mal die Weiche falsch ge-  
stellt war. Wer stellt sie richtig?

Letschi Mäldig!

Hänn Si au d'Larve miesse abändere und s'Goschtym frisch naie, will d'Farbe nitt gschtumme hänn? Mir hänn halt, eggs!